

■ COLUMNA

Hallo medias – faschai Voss job!

DAVID SPINNLER

Avant passa 20 onns hai jau fatg la scolaziun per daventar schurnalista. Dapi lura ha il mund midà cumpletmain. Oz vivan las medias en in mund digital ed ina schurnalista sto esser ina persuna abla da far multitasking. Ils principis schurnalistics n'èn dentant betg auters.



da la Chasa federala – dumondas criticas n'hai jau betg propi udi. Jau sun restà a chasa en il homeoffice davant il visur ed avess gugent fatg las dumondas che avessan interessà mai – ma nagin dals schurnalists n'ha fatg las dumondas. Jau sai ch'igl ha segiramain dà era emissiuns criticas. Ma la gronda part da las news e dals rapports discurren di per di be da «las cifras» e da «las mesiras».

Per exempel: Rapportar davart fatgs confermads – i dovra duas funtaunas per ina novitad. Dar la pussaivladad da prender posiziun a tuttas varts tar in tema cuntra-vers, u sche insatgi vegn criticità. Far dumondas criticas e nagina «Hofberichterstattung». Responder ils 5 w's che derivan dals plects tudestgs «wer, was, wann, wie und warum?».

da la societad envers la smanatscha da quest virus. Dumondas criticas? Naginas. E quai gist tar in tema, nua che nagin na sa propi tgenins ch'èn ils fatgs decisivs. Gist tar in tema, nua che jau sco laic fiss avisà tant sco mai da survegnir analisas profundas che mettan a lieu u che decleran tge ch'ins sa e tge betg.

Schurnalistas e schurnalists èn era savens persunas in pau «renitentus» che na sa laschan inscumma betg gugent far prescripziuns – gist perquai ch'èls ed ellas èn persunas criticas che mettan en dumonda tut. Jau sun surprais da blers schurnalists che na fan quai betg ussa.

Ma durant ils temps turbulents actuals na chapesch jau betg pli il mund. L'exempel da las elecziuns en America musa da maniera extrema quant impurtant ch'in schurnalistem independent, critic e fair è. In schurnalistem che mussa ina istorgia da differentas varts. In schurnalistem che pussibilitescha a mai da valitar quai che capita in mia regiun, mes pajais e sin tut il mund. E tge capita tar nus? La critica vegn tashentada. L'unic tema ch'exista anc en las medias è il virus da corona e l'agir

Ma jau survegn be anc «las cifras». E pervi da las cifras èsi da prender «las mesiras». Tuttas duas expressiuns èn candidats per il pled il pli trid da l'onn. Mesiras brutalas che destrueschan blers elements impurtants da nosa societad.

En noss pajais è segiramain bler vegnì fatg bain durant questa crisa da pandemia. Ma a las collegas ed als collegas schurnalists e schurnalistas en quest pajais driz jau urgentamain l'appel: Vus stuais far dumondas criticas – quai è Voss job! Betg per provocar, ma per dar a mai sco lectur, auditor u aspectatur la pussaivladad da valitar la situaziun uschè bain sco pussaivel. Gist ussa cun quest virus «diabolic».

Ma è quai tut giustifitgà? Èsi propi uschia che la situaziun senza mesiras drasticas fiss anc mendra? Savain nus propi avunda, per agir uschia sco che nus agin? Ha insatgi propi fatg quellas dumondas? Jau hai guardà diversas da las conferenzas da medias en il center da medias

David Spinnler da Sta. Maria è maignestiun dal Parc da natura Biosfera Val Müstair – ed ha lavurà divers onns sco schurnalista tar RTR.



FOTO MARTIN CABALZAR

«Ti sbaglias amitg che la casa sei mia...»

(fmr/mc) In verset fitg significativ per la passageritad da la vita umana, dentant era dal destin da bleras chasas en noss vitgs muntagnards chattan ins sin ina chasa da l'antierur scrinari Si-

meon Alig a Vrîn. Sco sia duntiv per la passageritad da la vita umana, dentant era dal destin da bleras chasas en noss vitgs muntagnards chattan ins sin ina chasa da l'antierur scrinari Si-

lads ora, il verset sin la fatschada correspunda pia tuttavia a la realitad imaginada avant rondund 60 onns. A Vrîn datti anc ulteriuras bellas inscripziuns, dentant in pau sblatgidas.

■ NOVITADS RTR.CH

Ushè bleras persunas en spital sco anc mai

(fmr/rtr) Il coronavirus fatschenta vinavant ils ospitals dal Grischun. Actualmain èn 64 pazients en l'ospital pervia d'ina infecziun cun il coronavirus. En cifras absolutas èn quai uschè bleras persunas ospitalisadas sco anc mai. Quella cifra è sumeglianta sco la fin da mars.

Ils ospitals na sajan dentant anc betg surchargiads. Quai ha ditg Reto Keller, il directur dal ospital da Tusaun e president da la conferenza d'ospitals dal Grischun. Las persunas ospitalisadas sajan scumpartidas en ospitals en il chantun.

Reto Keller è cuntent, ch'il dumber da novas infecziuns para da sa stabilisar. Pel mument sajan quai var 100 cas novs mintga di. Tuttina resta la situaziun tendida. Per il mument n'haja il Grischun anc betg dumandà ils auters chantuns da sorprender pazients. Quai na saja anc betg stà necessari. Er viceversa n'hai anc betg dà dumondas.

L'Uffizi federal da sanadad BAG ha annunzià ier 6924 infecziuns novs cun il coronavirus entaifer in di per la Svizra ed il Principadi da Liechtenstein. Il tagli dals davos 7 dis è tar 6666. En pli a il BAG registrà 94 ulteriurs mortoris e 280 ospitalisaziuns.

Premi da cultura per Peter Zumthor

(rtr/fmr) Cun il Premi da cultura da la citad da Cuira vegnan undrads artists che han creà sur blers onns ovras da gronda muntada. Il premi è dotà cun 8000 francs e vegn surdà mintga trais onns. Quest onn vegn Peter Zumthor da Haldenstein undrà cun il premi da la citad da Cuira.

L'architect Peter Zumthor tutga tar ils pli enconuschents architects svizzers. Divers da ses bajetgs en Grischun han gia survegnì reconuschientscha internaziunala. Per exempel la chapelletta Son Benedetg a Sumvitg u la Therme Vals. Er sin territori da Cuira ha l'Atelier Peter Zumthor procurà per l'abitadi da vegls Cadonau u l'Ensemble Zumthor a Haldenstein. Cun

grond respect e gronda savida d'in lieu, l'ierta e la cultura locala sco er cun l'istorgia architettonica, haja Zumthor l'abilitad da stgaffir bler dapli che be bajetgs, scriva la citad en ina comunicaziun. Plinavant mettia el fitg bler pais sin las materialias.

Dasper il Premi da cultura per Zumthor ha la citad er surdà ulteriurs premis da reconuschientscha e da promoziun. Mintgamai in premi da reconuschientscha han survegnì l'istoricher d'art Leza Dosch, la contrabassistina Andrea Thöny, la schurnalista Margrit Sprecher e la Galeria Cuadro22. In premi da promoziun ha survegnì l'artist Piero Good. Quests premis èn dotads cun mintgamai 4000 francs.

«Ti hurli che ti eis.

Nu' ei miu win?»

Granadiers da chruna da Gion Theodor de Castelberg (1748-1818)


■ AURA

Vinavant sulegliv

Situaziun generala: L'aura da la Svizra vegn influenzada dad ina zona da pressiuun auta sur l'ost da l'Europa.


Oz: En l'entir chantun Grischun èsi sulegliv, durant che nivels domineschan il tschiel da la Bassa. Temperaturas la damaun enturn 4 grads, il suentermezdi radund 13 grads. Temperatura sin 2000 m sur mar: 4 grads.

Prognosa: Avant portas stat ina fin d'emna sulegliva en l'entir chantun. Per encunter dumengia saira pudess l'aura sa midar. Temperaturas tranter 4 en fin 17 grads.



PCD e PBD Berna vulan fusiunar

(fmr/rtr) En il chantun Berna han ils commembers e las commembras da la Partida cristiandemocratica (PCD) e la Partida burgais-democratica (PBD) approvà ina fusiun. La PCD cun 93 perschient da las vuschs. La PBD schizunt cun 95 perschient. Quai han communitgà las partidas. En il futur duain las partidas vegnir ensemen sut il num «Allianza dal Center Berna». Sin basa nazionala decidan ils delegads e las delegadas da la PBD questa sonda en chausa – quels da la PCD ils 28 da november. La PBD Grischun è per ina fusiun cun la PCD. Delegadas e delegads da la PBD Grischun dattan cartaiavla-main suatientscha a quella fusiun.



CARICATURA LINUS FLEPP